



Headlines

- प्रधानमंत्री नरेंद्र मोदी होंरें ग्राम पंचैतें गी पूरी पराती नरोए सेहत लेई योग ते मुटे अनाज गी बढ़ावा देने दी गुजारश कीती।
- प्रधानमंत्री नरेंद्र मोदी होर श्रीनगर च 10में अंतरराष्ट्रीय योग दिवस समारोह दी अगुवाई करंगन। श्रीनगर च 21 जून गी प्रधानमंत्री नरेंद्र मोदी हुंदे दौरे दे मद्देनजर सुरक्षा दे सब्बै निग्गर बंदोबस्त कीते गे न।
- प्रधानमंत्री नरेंद्र मोदी होंरें पी-एम किसान सम्मान निधि तैहत 20 ज्हार करोड़ रपे दी 17मीं किश्त जारी कीती।
- जम्मू-कश्मीर दे बांडीपोरा जिले च कल भखे दे टाकरे च इक आतंकवादी मारी मकाया गेआ जेड़ा लशकरे तोयबा ते टी.आर.एफ आतंकी संगठन दा सिरे दा आतंकवादी हा।



PM-Gram-Panchayat

प्रधानमंत्री नरेंद्र मोदी होंरें ग्राम पंचैतें दे प्रमुखें गी योग ते जागरूकता फैलाइये समग्र स्वास्थ्य गी इक जन आंदोलन बनाने दा आग्रह कीता ऐ। ग्राम प्रधानें गी लिखी दी चिट्ठी च प्रधानमंत्री होंरें गलाया जे पंचैत परिसरें, स्कूलें, आंगनवाडियें ते सामुदायिक स्वास्थ्य केंद्रें च योग आधारित कार्यक्रमें दा आयोजन करिये अस लोकें ते नौजवानें गी स्थाई ते तनाव मुक्त जीवन शैली अपनाने लेई प्रेरित करी सकने आं। उनें गलाया जे इस बरे 10में अंतरराष्ट्रीय योग दिवस दा विषे ऐ “अपने ते समाज लेई यो”। एहदे कन्नै एक्क स्वस्थ राष्ट्र दे निर्माण च सरकार दे यत्नें गी होर बढ़ावा मिलोग। प्रधानमंत्री होंरें गलाया जे योग असेंगी शारीरिक ते मानसिक तौरा पर स्वस्थ बनांदा ऐ।



PM-Yoga Day

प्रधानमंत्री नरेंद्र मोदी होर औंदी 21 जून गी श्रीनगर च 10में अंतरराष्ट्रीय योग दिवस च शामिल होंगन। इस बरे अंतरराष्ट्रीय योग दिवस दा विशे ऐ अपने आपै ते समाज लेई योग। नमीं दिल्ली च मीडिया गी संबोधित करदे होई केंद्रीय आयुष मंत्री प्रताप राव यादव होंरें योग दे इस बरे दा विशेष योग दी इक्कले ते सामाजिक बेहतरी आहली दोहरी भूमिका दे बारे आखेआ। उनें आखेआ जे योग मानसिक ते आध्यात्मिक विकास ते कन्नै गै समाजी समझदारी गी बढ़ावा दिंदा ऐ। मंत्री होंरें आखेआ जे किश बरें च योग च अरबां बद्दे लोकें दी शमूलियत योग दा समाज उप्पर असर दिक्खने गी लब्बा ऐ। श्री यादव होंरें इस मौके ब्रेल लिपी च योग सरबंधी दिशा-निर्देश कताब दा विमोचन कीता जिस राएं नेत्रहीन लाकें गी योग गी असानी नै समझने दी मदद थ्होग। उनें योग उप्पर बच्चें लेई लिखी दी कामिक प्रोफेसर आयुष्मान दा बी विमोचन कीता। इक विशेष पैहल तैहत इसरो अंतरिक्ष लेई योग ना दी अनूठी पैहल दा बी आयोजन करोग। इसरो दे सब्बै साइंसदान ते अफसर शि-निर्देश मताबक योग करंगन। योग दे क्षेत्र च स्टार्ट अप्स ते टेक्नालोजी गी बढ़ावा देने गितै आयुष मंत्रालय नै My Gov Portal ते Yoga Tech Challenge उप्पर योगा टेक चैलेंज आयोजित कीता ऐ जिस राएं योग कन्नै सरबंधित उपकरणें, साफ्टवेयर ते होंरनें उत्पादन विकसित करने च इक्कले ते स्टार्ट अप दा पता लाया जा ते उनेंगी बढ़ावा दित्ता जा।

<><><><><><>

PM-Yoga Security

अंतरराष्ट्रीय योग दिवस पर प्रधानमंत्री नरेंद्र मोदी हुंदे नै कोई 6 ज्हार लोक जिंदे च मशहूर खडारी बी शामिल होंगन। जम्मू-कश्मीर दे समूलचे श्रीनगर शैहर च 21 जून गी अंतरराष्ट्रीय योग दिवस दे मौके पर प्रधानमंत्री नरेंद्र मोदी हुंदे दौरे दे मद्देनजर सुरक्षा दे निग्गर इंतजाम कीते गे न। वी.वी.आई.पी दौरे गितै सुरक्षा दे सबबै इंतजामें गी मुकदा रूप दित्ता गेआ ऐ। इनें इंतजामें च चाक-चौबंद सुरक्षा बवस्था, काजक्रमें च शामिल होने आहलें गितै बिजन दिक्कत-परेशानी दे आओजाई शामिल ऐ। आधिकारिक सूत्रें मुजब प्रधानमंत्री होर 10मां अंतरराष्ट्रीय योग दिवस मशहूर डल झील कंडे एस.के.आई.सी.सी च मनांगन।

<><><><><><>

PM-Yoga-Utrasana

प्रधानमंत्री नरेंद्र मोदी होरें अज्ज उख्वासन उप्पर इक वीडियो सांझी कीती जिस च गर्दन ते पिट्टु दिएं मांसपेशियें गी मजबूती थ्हांदी ऐ। इस राएं खून दा दौरा ते अक्खीं दी रोशनी बेहतर हुंदी ऐ। 10में अंतरराष्ट्रीय योग दिवस दे मद्देनजर श्री मोदी होरें एह वीडियो सांझी कीती जिस च आसन कियां करना ऐ, हिंदी ते अंग्रेजी च तरीब-बार तरीके नै आसन करिये दस्सेया गेआ ऐ। प्रधानमंत्री होरें सोशल मीडिया 'X' उप्पर एह वीडियो सांझी कीती।

<><><><><><>

Srilanka-Yoga

श्रीलंका च भारतीय उच्च आयोग आस्सेआ योग महोत्सव दे इक्क हिस्से दे तौरा पर केलानीया महा विहारिया च इक योग सत्र लुआया गेआ। अज्ज दे इस कार्जक्रम दा विशे हा, बेहतरी लेई योग। एह सत्र समूलचे श्रीलंका च ऐतिहासिक थारें पर 10 दिनें तोड़ी चलने आहले योग महोत्सव दे इक्क हिस्से दे तौरा पर आयोजित करायाउ गेआ हा।

<><><><><><>

PM-MKB

प्रधानमंत्री नरेंद्र मोदी होरें इस म्हीने दी 30 तरीक गी आकाशवाणी उप्पर प्रसारित होने आले उंदे मन की बात कारजक्रम च लोकें थमां अपने सुझा ते विचार मंगे न। इक सोशल मीडिया पोस्ट च श्री मोदी होरें हर इक गी माई गोव ओपन फोरम, नमो ऐप उप्पर या फ्ही अपने स्नेह टोल फ्री नंबर 1800-11-7800 उप्पर सांझे करने दा आह्वान कीता। सारें सुझाएं गी इस म्हीने दी 28 तरीक तगर स्वीकार कीता जाग। एह म्हीने वार रेडियो कार्जक्रम दी 111मीं किशत होग ते प्रधानमंत्री श्री मोदी हुंदे लगातार त्री बारी प्रधानमंत्री बनने दे बाद पैहला होग। मन की बात कारजक्रम आकाशवाणी ते दूरदर्शन दे समूलचे नेटवर्क, आकाशवाणी समाचार वेबसाइट ते newsonair एआईआर मोबाइल ऐप पर बी उपलब्ध होग। एह कारजक्रम आकाशवाणी समाचार, डी.डी न्यूज, प्रधानमंत्री कार्यालय ते सूचना ते प्रसारण मंत्रालय दी यू-ट्यूब चैनल उप्पर सिद्धे प्रसारित कीता जाग। आकाशवाणी हिंदी प्रसारण दे तुरत मगरा मकामी भाषाएं च प्रसारित कीता जाग।

<><><><><><>

Fitch-GDP

मुल्खें दी आर्थिक स्थिति दा आंकलन करने आहली रेटिंग एजेंसी फिच नै मौजूदा माली बरे 2024-25 लेई भारत दा सकल घरेलू उत्पाद यानि जीडीपी वृद्धि दर अनुमान 7 प्रतिशत शां बधाइये 7 इशारिया 2 फीसद करी दित्ता ऐ। उपभोक्ता खर्च च सुधार ते निवेश च बाढ़े गी दिक्खदे होई एह तब्दीली कीती गेई ऐ। रेटिंग एजेंसी नै अज्ज जारी

अपनी वैश्विक आर्थिक आंकलन रिपोर्ट च 2024 लेई वैश्विक वृद्धि दर अनुमान गी बी 2 इशारिया 4 प्रतिशत शा बदाइयै 2 इशारिया 6 फीसदी करी दित्ता ऐ।

<><><><><><>

PM-Kissan

प्रधानमंत्री नरेंद्र मोदी होरें अज्ज अपने युनावी हल्के वाराणसी दा दौरा लाया। उनें प्रधानमंत्री सिकान सम्मान सम्मेलन वाराणसी च बी शिरकत कीती। प्रधानमंत्री हुंदा काशी विश्वनाथ मंदरै च पूजा ते दर्शन करने थमां पैहले दशाशवमेध घाट उप्पर गंगा आरती गी दिक्खने दा बी प्रोग्राम ऐ। अज्ज वाराणसी ठहरने मगरा मोदी होर कल बिहार लेई रवाना होई जांगन। आकाशवाणी संवाददाता नै जानकारी दित्ती ऐ जे त्री बारी प्रधानमंत्री दा कार्यभार सांभने मगरा नरेंद्र मोदी हुंदा वाराणसी दा एह पैहला दौरा ऐ। प्रधानमंत्री मोदी अज्ज प्रधानमंत्री किसान सम्मान निधि योजना दी 20 ज्हार करोड़ रपे दी 17मीं किश्त जारी कीती जेदे कन्नै 9 इशारिया 26 करोड़ करसानें गी फैयदा पुज्जोग। अज्जै तोड़ी समूलचे राश्ट्र च 11 करोड़ कोला मते करसानें गी 304 लक्ख करोड़ रपे दित्ते जाई चुके दे न। प्रधानमंत्री होरें कार्यक्रमदौरान 30 ज्हार शां बद् आप सहायता समूहें कन्नै जुडी दी महिलाएं गी कृषि सखी दे प्रमाण पत्र बी प्रदान कीते।

<><><><><><>

Encounter

सुरक्षा बलें गलाया ऐ जे कल बांडीपोरा जिले च इक टाकरे दौरान जेडा आतंकी मारेया गेआ ऐ ओहू लश्करे तैयबा ते टीआरएफ दा सिरे दा आतंकी हा। श्रीनगर च इक्क सांझे पत्रकार सममेलन गी संबोधित करदे होई 3 सेक्टर दे ब्रिगेडियर अतुल त्यागी होरें गलाया जे कल सेना, पुलस ते सीआरपीएफ दे सांझे अभियान च उमर लोन नां दे आतंकी गी बांडीपोरा दे अरागाम ग्रां च मारी दित्ता गेआ। एह आतंकी 2018 बरें शा बक्ख-बक्ख आतंकी गतिविधियें गी अंजाम देआ रदा हा ते लश्करे-तैयबा ते टीआरएफ दा सिरे दा आतंकी हा। उनें गलाया जे पिछले किश चिरे थमां ओहूदे उप्पर तक्क रक्खी जा रदी ही ते जियां गै ओहूदी इलाके च मौजूदगी दी सूह मिली, उसी फगड़ने लेई कल सांझा अभियान चलाया गेआ जिस दौरान उसी मारी दित्ता गेआ।

<><><><><><>

Jatinder Singh

सरकार नै जम्मू-कश्मीर च महत्वपूर्ण शिडक परियोजनाएं गी मंजूरी देई दित्ती ऐ। केंद्री मंत्री डॉ. जतिंद्र सिंह होरें गलाया जे भारतीय राष्ट्रीय राजमार्ग प्राधिकरण लखनपुर शा बसोहली बनी ते भद्रवाह डोडा तगर नमीं राष्ट्रीय जरनैली शिडक दा निर्माण करोग। एह प्राधिकरण 4 ज्हार करोड़ रपे दी लागत कन्नै कठुआ एक्सप्रेस कारीडोर खंड उप्पर अंडरपास ते छतरगला सुरंग दा कम्म बी पूरा करोग।

<><><><><><>

SSKSB-Reasi

रियासी दे श्री शिवखोड़ी श्राइन बोर्ड दे उपाध्यक्ष हुंदे दिशा-निर्देश मताबक जिला रियासी च शिवखोड़ी दी जात्तरा गितै सब्बै श्रद्धालुएं गी जानकारी दित्ती ऐ जे उंदे कश आधार कार्ड दी फोटोकॉपी ते अपना संपर्क आहला फोन नंबर श्री शिवखोड़ी श्राइन बोर्ड दे ताले गेदे पंजीकरण आहले काउंटर उप्पर देने ते ओहूदे बाद जात्तरा पंजीकरण रसीद लैने दी गुजारश कीती ऐ। आधार कार्ड दे बिजन कुसै गी बी पंजीकरण रसीद जारी नेई कीती जाग।

<><><><><><>

IMD-Weather

चला रदे गर्म हवा आहले हालात ते लू थमां बड़ी राहत ताई भारतीय मौसम विभाग नै अज्ज थमां उत्तर पूर्व ते पच्छिम भारत दे किश हिस्सें च लू ते गर्म हवा आहले हालात च कमी दी पेशनगोई कीती ऐ। आकाशवाणी समाचार कन्नै गल्ल करदे होई भारती मौसम विभाग दे साइंसदान सोमा सेन राय होरें आखेआ जे पच्छमी हवाएं करी पंजाब ते हरियाणा दे किश हिस्सें च अज्ज तापमान शमानी बिजली कन्नै किश घट्ट होने दी मेद ऐ। तोआई डॉ. राय होरें आखेआ जे अगले दऊ-त्रऊं दिनें दौरान उप हिमालय आहले पच्छिम बंगाल ते उत्तर पूर्वी भारत च लगातार भारी थमां मती भारी बरखें दी पेशनगोई कीती ऐ।

<><><><><><>

NSA-India-US

भारत ते अमरीका बश्कार महत्वपूर्ण ते उभरदी प्रौद्योगिकी ICET उप्पर दवैं मुल्खें दी पैहल दे बारे च कल नमीं दिल्ली च इक बैठक लगगी। एहदे च राष्ट्री सुरक्षा सलाहकार अजीत डोबाल होरें अपने अमरीकी हमरूतबा जेक सलिवन हुंदे नै रणनीतिक तौरा पर महत्वपूर्ण प्रौद्योगिकी च सांझेदारी गी होर अगुै बधाने उप्पर अपने दृष्टिकोण सांझे कीते। सलिवन ते डोबाल होरें इस बैठक दे अलावा गोलमेज सम्मेलन च बी हिस्सा लैता जेदे च दवैं मुल्खें दे किश प्रमुख उद्योगपति ते विचारक शामिल होए। दौनें मुल्खें दे राष्ट्रीय सुरक्षा सलाहकारें, उद्योग, शिक्षा ते सरकारें बश्कार बेहतर ढंगगै कन्नै कम्म करने दा संकल्प लैता।

<><><><><><>